



EPISTOLA

URBIS VALENTIÆ

AD SANCTISSIMUM PATREM

CLEMENTEM XIII.

QUA PETIT, UT JUSSU EJUS PERAGATUR

CAUSSA BEATIFICATIONIS VENERABILIS, ET ILLUSTRISSIMI,

JOANNIS PALAFOXII ET MENDOZÆ,

Episcopi Uxamensis, &c.

SANCTISSIMO PATRI

CLEMENTI XIII.

PONT. MAX.

Si unquam apud Te, Beatissime Pater, preces nostræ valuere, quas certe semper benignissime exaudisti; nunc optamus vehementer, ut iis indulgeas. Agitur enim de Servi Dei fama restituenda; de Dei Optimi Maximi gloria, & etiam de Tua. Ex omni enim Christianorum numero, nemo ad hunc diem fuit, qui æque ac Venerabilis Dei Servus, Joannes de Palafox &

Men-

Mendoza, Illustrissimus olim Angelopolitanus Episcopus, & postea Uxamenis, tot, tam graves, tam insolentes, & injustas vexationes pertulerit pro Dignitate Episcopali tuenda; quique etiam temporali vita iam defunctus tot calumnias sustinuerit ab immanissimis hostibus, qui veluti Terra filii, ausi omnes immane nefas infandum ei bellum indexerunt ut illum de coeli sede ad inferas Terrarum Orbis cavernas dejicerent atque detruerent. Quamobrem, cum Sanctuarii statera penes Te sit, cuius est appendere & perpendere Christianorum merita ad justam eorum aestimationem; a Te enixe petimus, ut in hac causa in qua agitur de illius Christiani Herois fama, examinari jubeas ejusdem Virtutes Christianas, & facta mirabilia Naturae vires superantia, ut Te illa comprobante, innocentissimo Viro fama integra restituatur; Omnipotenti Deo meritae laudes contribuantur; Tibi vero gratias immortales Christiani omnes referamus, & praecipue Carolus Tertius Rex noster, egregius Servi Dei obseruator, qui Te annuente, ejusdem cupit esse Cultor cum universo Christiano cœtu. Cui eximio beneficio Apostolicam Tuam benedictionem

nem adjungas quæsumus, quam submissis animis expectamus, Tibi prospera omnia a Deo Optimo Maximo humiliter petentes. Valentiae Edetanorum in ipso Urbis Senatu IV. Kalend. Decemb. anni a Christo nato M.DCCLXVII.

BEATISSIME PATER,

Sanctitatis Tuæ Pedes osculamur

Don Ferdinandus de la Mora Velarde, Pro-Corrector Urbis Valentie.
Don Antonius Pasqual & Garcia de Almonia, Rector perpetuus.
Don Vincentius Guerau de Arellano, Rector perpetuus.
Don Franciscus Benedictus Euder, Rector perpetuus.
Don Onuphrius Danvila, Rector perpetuus.
Don Maurus Antonius Oller & Bon, Rector perpetuus.

Don Thomas Tinagro & Vilanova, Secretarius.

Jhr. Imprimatur.
D. Miranda, Vic. Gen.

Impressum.
Caro.

Valentia: In Typographia Benedicti Montfort ann. M.DCCLXVIII.